




1618_035.jpg




1618_036.jpg



1618_037.jpg



1618_038.jpg



38 M. DC. XVIII.


pagnée de plusieurs Seigneurs, s'en alla au de-
uant de leur nouveau Duc à Chioggia, lequel
fut acconduit à Venise avec beaucoup de pom-
pe, & honoré de toutes les magnificèces qu'on
fait d'ordinaire en telles solemnitez.

Voilà ce qui a esté imprimé de la mort de
deux Ducs de Venise aduenüe en ceste annee;
voyons d'une suite une entreprise sur la forte-
resse de Marano aussi imprimée par forme d'ex-
trait d'une lettre enuoyee de Venise le 21. May
1618.


*Entreprise sur la forte-
resse de Ma-
rano.*
Les conjurateurs auoient gaigné vn Sergent
nommé Massa, qui estoit dans la Forteresse de
Marano sur les marches & confins d'Istrie, en la
Mer Adriatique, place forte & de grande im-
portance à ceste Seigneurie; y ayât vn bon port
& capable de mettre à couuert vne puissante
armee. La trame estoit, que ledit Massa deuoit
tuer le Prouiseur Lorenzo Thiepolo, & en mes-
me temps liurer aux conjurateurs ledit port &
place. Ceste trahison eust facilement reüssi, si
elle, (par la bonté & grace Diuine) n'eust esté
descouuerte par le moyen d'un varlet de cham-
bre dudit Prouiseur, & d'un pensionnaire &
appoincté de la Seigneurie. En ce mesme temps
s'estoient escoulez & glissez peu à peu dans ce-
ste ville plus de cinq cens, des soldats du desar-
mement qui se faisoit au Frioul & en Istrie, gens
de main, qui à certain iour & heure ditte, de-
uoient mettre le feu en plusieurs lieux de la vil-
le, & leur emparer des places les plus impor-
tantes, & puis saccager toute la ville, pour de là

*Comment
descouuerte.*


1618_039.jpg




1618_040.jpg



1618_041.jpg



1618_042.jpg



1618_043.jpg

Histoire de nostre temps.

43


On fit vne pareille publication au Milanois, & Mont-ferrat, tellement que la paix a esté remise en l'Italie. Dieu l'y vucille maintenir. Nous verrons sur la fin de ceste annee, comme le Duc de Sauoye enuoya son fils le Prince Cardinal, pour remercier le Roy Tres-Chrestien du secours qu'il auoit donné à l'Estat de Sauoye.

On disoit de ceste guerre, que les François auoient donné secours *oportune* au Duc de Sauoye. Que les Roys Tres-Chrestiens estoient parfaitement bons voisins: & qu'il ne se falloit plus souuenir des Ducatons de Sauoye, où on auoit mis *oportune* mal à propos apres l'enuahissement du Marquisat de Saluces. Allons voir ce qui se passe en Holande.

Vous auez veu cy dessus en l'an 1617. les escrits des Remonstrans, & ceux des Contre-remonstrans: & comme les Magistrats des villes, qui tenoient le party des Remonstrans ou Arme-niens, auoient suiuant la deliberation prise le 4. Aoust, faict leuee de compagnies de gens de guerre, qu'ils appelloient Soldats Attendants, pour se mettre sur la deffenfue.

Messieurs les Estats Generaux, & le Prince Maurice ayant escrit aux Estats particuliers, & aux Magistrats de plusieurs villes, pour obtenir d'eux la cassation de ces nouvelles leuees de gés de guerre, & voyant qu'ils ne l'auoiét peu faire, il fut arresté que ledit sieur Prince s'achemineroit en Gueldres, Zutphé, Vtrecht & Overissel, avec les Deputez desdits sieurs Estats generaux, pour paruenir à ladite cassation, & de s'authorer

1618_044.jpg



44 M. DC. XVIII.

les Magistrats Arminiens, & chasser leurs Ministres. La lettre suiuite escrite par vn Contre-Remonstrant instruira assez le lecteur de ce qui s'y passa.

Le Prince Maurice va en Gueldres, où il oste du Senat de Nieumegue ceux qui estoient Arminiens, & chasse leurs Ministres. Son Excellence s'est portee d'affection à la defense de nostre Religion, comme il a fait paroistre au commencement de Ianuier de ceste année, s'estant acheminé en Gueldres, où des quatre principales villes, qui sont les quatre quartiers de la Prouince, les trois s'estoient rangees de la secte des Arminiens, sçauoir, Nieumegue, Zutphen, & Arnhem. Il est entré premierement dans Nieumegue, où il a osté du Senat tous ceux qui estoient infectez de l'opinion Arminienne, & chassé leurs nouveaux Ministres: Ce que les Estats de Gueldres non seulement ont approuué, mais l'ont prié de demettre de son office Henry de Binen, l'vn des Conseillers desdits Estats de Gueldres, ce qu'il a fait. De là il s'en est allé à Zutphen où il a aussi desauthoré les Magistrats qui estoient Arminiens, & chassé leurs Ministres.

A Campen & par tout le pays d'Overyssel. La Prouince d'Overyssel estant aussi toute gastee de ceste secte, il s'y est transporté, où en peu de iours il a mis vn tel ordre, que bien que les Arminiens fussent maistres de Campen, & où leurs Ministres Gosvvinus, Schoterus, Vesculinius, & Mithisius, qui auoient fait imprimer vne Confession de foy Arminienne, tenoient le siege de leur Empire; nul n'y a depuis osé ouurir la bouche pour parler contre la doctrine de Mr. Iean Calvin.

Image issue du site mercurefrancois.ehess.fr - Cliché (c) Cécile Soudan